

Na osnovu člana 16. stav (4). Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman III poslanika u Skupštini Zeničko-dobojskog kantona Amira Ganića na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 133. sjednici, održanoj dana 22.02.2018. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman III poslanika u Skupštini Zeničko-dobojskog kantona Amira Ganića na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman III upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/18.

Datum, 22.02.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje,

nauku, kulturu i sport;

1x Stručna služba Vlade;

1x Stručna služba Skupštine;

1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Poslanik u Skupštini Zeničko-dobojskog kantona Amir Ganić podnio je Amandman III na Prijedlog Zakona o osnovnoj školi:

U članu 5. Prijedloga Zakona o osnovnoj školi, mijenja se stav (3) koji glasi:

„Član 5.

(Pohađanje osnovne škole)

(4) Obavezno obrazovanje počinje u kalendarskoj godini u kojoj dijete do prvog marta navršava šest godina i traje bez prekida tokom perioda koji ne može biti kraći od osam godina, osim u slučajevima utvđenim ovim Zakonom. “

Stoga se predlaže neprihvatanje Amandmana III iz razloga što je Konceptijom devetogodišnjeg osnovnog obrazovanja iz 2004. godine predviđen, na području Federacije Bosne i Hercegovine, trenutno važeći sistem osnovnog obrazovanja. Reforma osnovne škole podrazumijeva razumijevanje procesa promjena u osnovnoj školi, a za uspješan proces promjena nužan je bio i upis u školu djece mlađe hronološke dobi (sa 5,5 godina), polazak u školu sa 6 godina.

Populacija šestogodišnjaka je izuzetno heterogena (individualne razlike u tjelesnoj, mentalnoj, socijalnoj i emocionalnoj razvijenosti, različita iskustva i predznanja itd.). No, bez obzira na veliku raznolikost kod svih je zajedničko da imaju znatne potencijale i mogućnosti ranog učenja, što i jeste jedan od ciljeva uvođenja devetogodišnjeg obrazovanja. Ovi potencijali su se najbolje mogli iskoristiti spuštanjem granice upisa u osnovnu školu.